

Ketika Jordan Kinyera berusia enam tahun, dia melihat ayahnya kehilangan tanah milik keluarga mereka di Uganda.



KEHILANGAN HAK MILIK TANAH

Kejadian ini berlaku pada tahun 1996. Ini berlaku kerana timbul satu pertikaian hak milik tanah dengan jiran mereka. Kes ini lalu dibawa ke muka pengadilan tetapi telah tersangkut di mahkamah begitu lama tidak dapat diselesaikan. Banyak sudah wang yang dihabiskan untuk mengupah peguam. Namun ianya tidak menghasilkan keputusan yang baik untuk mereka. Sampailah datang satu perintah mahkamah melarang ayahnya dari melakukan sebarang aktiviti di tanah tersebut.



MEMBERI KESAN BURUK

Perkara yang terjadi itu sangat memberi kesan buruk kepada emosi, kesihatan dan kehidupan ayahnya.



JORDON KINYERA DALAMI BIDANG GUAMAN

Akibat tidak tahan melihat penderitaan ayahnya, Kinyera bertekad untuk belajar bidang undang-undang dengan memfokuskan kepada undang-undang tanah demi menuntut bela ke atas tanah milik ayahnya. Kini setelah 23 tahun dia berpenat lelah mendalami latihan untuk mengambil bidang guaman, Kinyera telah berjaya membawa kembali kes ayahnya ke mahkamah.



KINYERA TELAH MEMENANGI KESNYA

Akhirnya setelah melalui perbicaraan, Mahkamah Tinggi Uganda telah memberikan keadilan kepada ayahnya untuk mendapatkan semula hak milikan tanah. Pengkhabaran kemenangan ini sangat menggembirakan ayahnya. Walaupun ayahnya ketika ini sudah berusia 82 tahun. Sudah tentu tidak banyak perkara yang boleh dibuat di tanah itu. Namun kemenangan itu sangat bermakna, kerana haknya dapat dituntut kembali.

Ini juga adalah satu kemenangan yang besar buat Kinyera. Usahanya yang bertahun-tahun ini membuahkan hasil.

PENGAJARAN



Jangan serah nasib pada orang lain



Perlu berani menghadapi rintangan



Jangan pernah menyerah kalah

إِنَّ الَّذِينَ قَالُوا رَبُّنَا اللَّهُ ثُمَّ اسْتَقَامُوا فَلَا خَوْفٌ عَلَيْهِمْ وَلَا هُمْ يَحْزَنُونَ

“Sesungguhnya orang yang berkata Tuhan Kami Allah kemudian istiqamah maka tidak ada ketakutan dan kesedihan bagi mereka.”